



NTUMA NYAGASANI.

Akanyamakuru k' abalayiki misyoneri b' umutima mutagatifu wa yezu na Mariya.



IBIRIMO

IBIRIMO.....	i
I. Ijambo ry' ibanze.....	1
II. Ubuhamya bw' abalayiki MSSCC.....	2
III. Impanuro z' umukuru w' umuryango wa mssc. (Superieur general).....	8
IV. IBIKORWA BY' URUKUNDO.....	11
V. Igenabokorwa by' Abalayiki Misiyoneri b' Umutima Mutagatifu wa Yezu na Mariya mu Rwanda mu mwaka wa 2016.....	13
VI. Gahunda y'amahugurwa y' Abalayiki MSSCC, mu mwaka wa 2016.....	14
VII. Makuru ki muri Fondation Concordia-Ineza?	16
VIII. Utuntu n' utundi.....	21
IX. Umwanzuro.....	22
X. Dusenge twiyambaza umutima mutagatifu wa Yezu	22

NTUMA NYAGASANI.

I. Ijambo ry' ibanze.

Mvuge iki? Nkore iki nkibifitiye umwanya ?

Mu mihibikano y' ubuzima bwa buri munsi, umulayiki msscc akwiye kugenda yibaza iki kibazo:

<Ese mu byo nkora, mu byo mvuga, mu byo ntekereza, uko ngaragara mu byiza,mu bibazo, mu bisubizo mu bigeragezo, nzirikana ko byose bigomba kwakiranwa urukundo n' impuhwe bituruka ku mana yaturemye kandi twaremewe>. Kenshi turabyibagirwa. Ntabwo byoroshye muri ibi bihe birangwa n' umuvuduko wo gusiganwa n' igihe. Amaherezo azaba ayahe? Gukora ni byiza, kuko udakora ntakwiye no kurya nk' uko ijambro ry' Imana ribitubwira. Imishinga dukora buri munsi iduteza imbere mu by' umubiri, ikwiye kugengwa n' umushinga munini w' ubuzima, uzirikana intangiriro n' iherez roya mwene muntu. Umushinga w' ubuzima ntukwiye gufata igihe cy' imyaka 70, 80, 90 cyangwa 100 cyangwa irengaho gato gusa . Ukwiyе no kurenzaho cyane, ukagera no buzima butazima, ubuzima bw' iteka.

Muri urwo rugamba rwose, umulayiki msscc kimwe n' undi mukirisitu wese,akwiye kugenda ashakisha ibisubizo biyobowe n' urukundo avoma mu mitima mitagatifu ya Yezu na Mariya.

Urwo rukundo rurangwa n' impuhwe, korohera abandi,gufasha abadashoboye,,kujya inama,kubabarira, gusaba imbabazi, gukora cyane ubigirira abandi,kurenganura,gutabara,isengesho,ijambo ryiza ku bandi,kutadohoka ku migenzo myiza,ubutwari bwo kwamamaza urwo rukundo mu buhamya bushingiye ku ngiro zifatika.

Muri iyi nimero murasangamo ubuhamya bwa bamwe mu balayiki msscc bagerageza gukora imyitozo y' ibikora by' urukundo, bagendeye ku ijambro ry' Imana. Bashimirwe umutima w' impuhwe babigiranye nta zindi nyungu babitezeho.Ni urugendo buri wese yagombye gufatanya n' abandi,twese tuagira isi nziza kurusha uko twayisanze, lkigaragara muri ibyo bikorwa by' urukundo, hanze aha, hari abihereranye ibibazo bikomeye,bitamenyekana.Kubivumbura bisaba kubana neza na buri wese, no kwicisha bugufi, kandi niba nta bushobozu ufite bwo gutabara ubabaye, wamubera umuvugizi, wanamutabariza.

Iyi nimero ije itinze gato, kubera ikibazo cy' uburwayi cyiyongereye mu gihe gishize.

Indwara ya Malariya yabaye nyinshi cyane, ku buryo n' utarayirwaye, yayirwaje.

Mubyihanganire.

II. Ubuhamya bw' abalayiki MSSCC

1. Ubuhamya bwa MUKAMURERA Therese.

Ibyo yasezeranye: Gufasha abitegura gushinga urugo,kuzagira urugo rurangwamo ubwumvikane,iterambere, ubukirisitu.



Mukamurera Therese, yasobanuye ko igitekerezo cyo gufasha abitegura gushinga urugo,yagikomoye ku mupadiri wari muri Paruwasi ya Gikondo(Kigali) w' umupaloti,niwe watangije amahugurwa yerekerye no kuringaniza imbyaro hakoreshejwe uburyo bwa Kamere. Icyo gihe Therese yakoraga mu kigo nderabuzima cya Kiziguro.

Nyuma, ayo mahugurwa yaje kugera no muri ya Diyoseze ya Byumba, naho Therese agira amahirwe yo kuyakurikirana.

Ni Padiri Nyombayire Bakundaga kwiyambaza muri iyo gahunda, kandi yari abizi cyane, ku buryo, buri wese wahugurwaga, yarangizaga abyumva kandi yabikunze.

Aho yinjiriye mu balayiki msscc yabonye umwanya mwiza wo kwitangira urubyiruko rwiteguraga gushinga ingo, afasha abapadiri dore ko bari na bakeya ugeranyije n' inshingano baba bafite.Cyokora Padiri Nsengimana Jean Bosco yanyuzagamo akabafasha.

Insanganyamatsiko bibandagaho ni izi : Ingo ni iki? Gusangira umutungo w' urugo no kuwongera, gusangira isengesho, muri maka gusangira byose hagati y' umugabo n' umugore.

Umugabo n' umugore ukwiye barangwa n' iki? Imikurire y' umwana n' uburyo agomba kurerwa.

Kuringaniza imbyaro hakoreshejwe uburyo bwa kamere, Gukemura amakimbirane mu ngo n' ibindi.Cyokora Therese avuga ko atabonye umwanya wo gukurikirana uko abo yigishije babana mu ngo zabo.

Yakoreshaga imfashanyigisho yatiye mu kazi, ubundi akitabaza agatabo ka marriage yavanaga kuri Paruwasi.

Abahugurwaga babaga babyishimiye, uretse ko byageze aho bikagenda buhoro kubera uburwayi bwe.

ingingo batindagaho cyane ku bifusa gushinga urugo ni ukubasobanurira neza **umugabo ukwiye n' umugore ukwiye**.

✓ **Umugabo ukwiye arangwa n' iki?**

-Ni umutwe w' urugo.

Asigasira urugo rwe ngo rudasenywa n' ibyonnyi.

-Akunda umugore Kandi agafatanya nawe muri byose ntacyo amuhishe.

-Ahahira urugo ,agafatanya n' umugore gucunga neza umutungo warwo ndetse bakanawongera.

-Aha abana be uburere bwiza,kandi akabaha ibyo bikenera.

-Atanga urugero rwiza muri byose.

-Abana neza n' abandi cyane cyane abaturanyi.

-Aharanira iterambere ry' urugo rwe, no kandi akaruteganyiriza.

-Yubaha Imana kandi aka yitabaza mu bibazo.

-Aratabara cyangwa agatabariza, abababaye.

-Ni umunyakuri,umunyamurava,intwari,inyangamugayo.

-Nta na rimwe aca inyuma uwo bashakanye.

✓ **Umugore ukwiye arangwa n' iki?**

-Ni umutima w' urugo, Nyampinga, akarangwa n' umurava ku murimo.

-Yubaha umugabo we ,amufasha mu nshingano afite kandi akamwubahisha mu bandi, koko ukurusha umugore, akurusha urugo.

-Asusurutsa urugo mu buryo bw' isuku, abana neza n' abandi,yakira neza abarugana.

-Yita ku bana , akubarera neza,akabaha urugero rwiza.

Ntaca inyuma uwo bashakanye haba mu bitekerezo cyangwa ku buryo bw' umubiri.

-Arangwa no gutuza,kwihangana,kugira inama umugabo,korosha,ni Vuguziga.

-Afasha abatishoboye.

-Akomera ku ibanga ry' urugo.

Mukamurera Therese, ubu yafashe ubundi butumwa bwo gufasha abantu 2. Umupfakazi,n' umukobwa wabyariye iwabo mu bukene ariko akaba yararekeyaho.

Agenda abafasha uko ashoboye cyane cyane kubakurikirana, abaha morale dore ko bari mu bwihebe burenze. Akaba ayoborwa na rwa rukundo avoma mu mutima mutagatifu wa Yezu na Mariya n' uwashinze umuryango ariwe Joachim Rosello.Umwé ni umukirisitu undi ari mu rindi torero, ariko ubutumwa bwacu ntabwo bugarukira kubo duhuje imyemerere gusa.

Umupfakazi we yaragarutse rwose, ubu akaba afite icyerekezo cy' ubuzima kandi yari yarihebye ku buryo yashatse no kwiyaka ubuzima(yiyahura) Imana igakinga ukuboko.

Thesese yavuze ko agerageza kubihuza n' ijambo ry' Imana ryo kugaburira abashonje, kwambika abambaye ubusa, gufasha abarwaye.

Mukamurera Therese arangiza avuga ko amahoro n' ubutabera mu ngo no muri sosiyyete, bikurikijwe, ibibi byagabanuka cyane, abantu bakarushaho kugira umunezero Imana yabaremeye.

2. Ubuhamya bwa GASASIRA Felicien



Ibyo vasezeranye : Kugira inama abifusa amasakaramentu no kwigisha abana b'Ukarisitiya ya mbere.

Mu butumwa afite yashoboye kugera kuri ibi bikurikira:

- Abantu 17 bari baraguye, ndetse bamwe babana batarasezeranye muri Kilizya.Bahawe amasakaramentu ndetse babatirisha abana.Ubu barumva misa,babanye neza.

- Abakobwa 7 bari barabyariye iwabo,bagarukiye Imana, bahabwa amasakaramentu, babatirisha n' abana babo. Ubu baraho, barishimye,baza mu misa, haba muri Sikirisale ya Nyagasiga, ubundi bakaza kuri Paruwasi ya Kiziguro.

- Abantu 4, basengeraga mu madini y' ibyaduka, bagarutse mu murongo wa Kilizya Gatolika,

Harimo n' uwabatirije muri Kilizya gatolika, azakomewa kuri 23/Nyakanga 2016, hamwe n'abandi.

- Hari abandi bagarukiramamana bagizwe n' imiryango 7, barimo kwiga, bakazabitizwa, le 11/08/2016,bakanasezerana.

Ikindi ni uko Gasasira Felicien agerageza gusura abarwayi,abashyira ukarisitiya, akanabahumuriza. Gasasira Felicien yavuze, iyo agiye kubikora aba adatekereza ibihembo, ko ahubwo ari urukundo, yuvishije neza akura kuri Yezu Kristu.

3. Ubuhamya bwa Mukabaranga Helene.

Ibyo yasezeranye:

Gufasha abantu 2 buri cyumweru, uko ashoboye, bitamushobokera akiyambaza ababishoboye.

Ubuhamya atanga, yamubayeho amaze imyaka mike mu muryango wa LMSSCC kuko hari mu mwaka wa 2004.



Mukabaranga Helene n' umwana yajyanye kwa Muganga bamuhebye. Ubu yiga mu mwaka wa 5, w' amashuri abanza.

Hari mu gitondo kare, aho abaturage bahuruye umuturanyi ko apfushije umwana wari umaze igihe arwaye.

Mu guhurura, bose bari bazanywe no kujya gushyingura. Helene nawe yaje mu bahurura,akandi kazi yari afite yakaretse. Agezeyo,agira amatsiko yo kureba umwana bavugaga ko yarangije gupfa,ariko yitegereeje, asanga umwana wari wararembe aracyazana akuka ariko gake cyane.

Abwiye abari aho ko umwana agihumeka bamutera utwatsi, ndetse bamwe ntibatinya kumwita , umutesi w, umushinyaguzi.

Yingina se na Nyina ngo bapfe kumujyana kwa muganga wenda ariho apfira,baramwangira ngo nta mpamvu yo kujyayo kandi umuntu yarangije.

Bimwanga mu nda, ntiyashirwa,arajajaba,woo abibwiye wese, nta mwumve, agezaho yibaza ari nk' umwana we bwite icyo yakora, abitura Imana ngo imufashe mu cyemezo agiye gufata.Yasabye ko ababyeyi bamwihera uwo mwana akumujiyana kwa muganga, mu gihe bagigimirana, abandi hanze bariho bamuryanira inzara, Helene ashyira umwana mu mugongo, , yirukira ku bitaro I Kiziguro n' amaguru mu birometero nka 6.

Bamwe basigaye bamuseka, abandi ngo iyo ntumbi yirirwa ahetse nibura imumaremo umwijuto,ubutesi n' ubudabagizi. Ariko ayo magambo mabi yaje kuyamenya nyuma, kuko atwara umwana, ntacyo yumvaga, uretse isengesho yaturaga Imana gusa.

Ageze ku gasozi kazamuka Kiziguro, bita ku Kabaharinema, akebutse inyuma,abona hari undi munyampuhwe wamukurikiye,ariwe nyirasenge wa se w' umwana, aramurinda,bamarana uwoba, bafatanya urugendo, umwana akizana akuka,ariko uretse kwiringira Imana, bazi ko batamugezayo.

Bageze kwa muganga, ntabwo bategerereje ku murongo nk' abandi,bahise batanya bagera kuri muganga vuba, uyu nawe akubise amaso umwana, ababwira nabi cyane, ababajwe n' uko batindanye uwo umurwayi cyane, akaba ashobora kudakira.

Barimwinginga, bamusaba ko akora ubatabazi bwihuse,amateka y' uwo mwana bakaza kuyamubwira nyuma.

Muganga hita areka abandi barwayi, yita kuri wa mwana,amufata ibipimo, kumufata amaraso bibanza no kumugora kuko yari yamushizemo.

Baragerageza mu rutoki, babona uturaso duke cyane,hafi mu minota 10, bagombye gukanda cyane

Bashakaga kumenya urwego rw' amaraso afite kugirango bamuteremo andi, ndetse no kureba indwara yaba igaragaramo.

Bahise babona ko umwana yari afite malariya nyinshi cyane, ariyo yari yamumazemo amaraso(anemie).

Agabanga bakora iyo bwabaga, bamuvura vuba vuba, bamutera n' andi maraso.

Nyuma y' amasaha nk'abiri 2 ,bategereeje umurambo, barawubura, nibwo ababyeyi n'abandi bantu bake babaherekeje, baje I Kiziguro, kureba uko byagenze,,basanga umwana ari ku gitanda, mu macupa ya za serum, ariko ahumeka.

Umwana aravurwa, mu minsi mike aba arakize, asubira iwabo. Helene ashomira Imana yamufashije, umwana akaba akiraho, ataramupfiriye. Ababyeyi nabo n' inshuti zabo, n' ubwo bamwe bagifite ipfunwe, babiterwaga n' ubujiji kuko batari banze umwana. Ni ngombwa rero gukomeza kujijura abaturage kugirango batazajya bakomeza kwihererana ibibazo nk'ibyo by' uburwayi kandi hari abashoboye kubibakemurira.

Muganga nawe yaje kumenya uko ikibazo kimeze, ashima uwafashe icyemezo cyo kuzana uwo mwana wari ugiye kuzira ubujiji bw' ababyeyi. Ubu umwana ageze mu mwaka wa gatanu w' amashuri abanza.

Ntitukazuyaze mu gutabara aho dushoboye ,kandi,icyo usabye Imana ugishyizeho umutima, irakiguha.



4.Ubuhamya bwa Mukasekuru Therese.

Ibyo yasezeranye: Gufasha abakene muri rusange.

Umulayiki msscc agomba kurangwa n' impuhwe z' Imana.

Mukasekuru Therese avuga ko yafashije Umukobwa wari urwaye yaraboze ukuguru,yarababaye bihagije.

Aho yabaga mu muryango w'abakene mu cyaro cya kure iyo ngiyo, umunuko w' ukuguru wari wose.

Nta muntu wari ukinjira muri urwo rugo, bari barahawе akato.

Inku yarasakaye,igera no mu bakirisitu kuri centrale.

Therese yagiye, n' ubwo ntawundi wageragayo, uwo muryango wasaga nk' aho wahawе akato.

We yagerageje kumuhyana kwa muganga. Ariko ntibyaboroheye,kuko abaganga banze kumwakira bitewe n' uko ibisebe byuzuye umunuko ku kuguru byari bimeze. Yaraye atavuwe, buracya bamwimirira mu rindi viruro.

Abaganga babonaga uwo murwayi bose barumiwe, umwe wese akavuga ko iyo ndwara atayishobora.

Ushinzwe kuvura ibisebe niwe wagerageje kumutwara no kumuvura , birangiye ajyanwa mu bitaro, aho yamaze amezi 2 yitabwaho, nyuma aza no gukira ajya mu buzima busanzwe, arakora , abaho nk' abandi bose. Iyo neza yagiriwe, ntabwo yayibagiwe, kuko yaje gushimira Mukasekuru Therese, amuzaniye impano, aramwubaha cyane,kandi yamubwiye ko ubuzima afite ariwe abukesha.

Ubu yashatse umugabo, arubatse, ameze neza, kandi yakomeje kubana na Mukasekuru Therese.

Buri wese akwiye kugirira ubabaye impuhwe, agashaka uko yamufasha.

5. Ubuhamya bwa Mukabarisa Peteronila

Uyu Peteronila yasezeranye gusura no kwita ku barwayi.

Peteronila avuga ko yari asanganywe umwete wo gusura abarwayi ndetse no kubarwaza ariko cyane cyane abo mu muryango we. Aho agereye mu balayiki misyoneri, inyigisho yahaherewe zamufashije kumva ukuntu kwita ku barwayi ari igikorwa cyiza nkuko Yezu abidusuba. Na we rero yasanze ari ngombwa gukomeza wa mugenzo mwiza wo gusura abarwayi noneho ariko mu buryo bwa gikirisitu ni ukuvuga kwita kuri bose atagendeye ku isano bafitanye. Atanga zimwe mu ngero z'abarwayi yafashije:

-Yasuye uwitwa Uwantege ,asanze nta myenda afite amuha igipande cy'igitenge n'impira ibiri.

-Hari umurwayi wari mu bitaro adafite umugemurira aba ariwe umwitaho kugeza atashye.

Peteronila avuga ko gusura no kwita ku barwayi bimutera ibyishimo kuko ngo na we yigeze kurwara ,abamusuraga ngo bamusigiraga ibyishimo, bigatuma atiheba bityo akumva uburwayi bworoshye. Kumva rero ko na we hari uwo afashije kandi agiriye Yezu witangiye bose abisha agaciro ari naho havuye guhitamo gusezerana gusura no kwita ku barwayi.Ibyo kandi nkuko abyivugira, Peteronila ngo abishobozwa no kurangamira imitima mitagatifu: uwa Yezu n'uwa Mariya yahinguranyijwe icumu kubera urukundo bakunda abantu bose. Arasaba n'abandi kwegera iyo mitima ikabatoza kugira impuhwe no kuzigirira abandi.

III. Impanuro z' umukuru w' umuryango wa msscc. (Superieur general)

Nkuko bimenyerewe, umukuru w'Umuryango w'Abamisyoneri b'Umutima Mutagatifu wa Yezu na Mariya(Superieur General) asura abamisyoneri ba buri Gihugu. Kuva tariki ya 31/03 kugeza tariki 25/04 arimo asura abamisyoneri bo mu gihugu cy'Urwanda(Delegation d'Afrique Oriental). Kuva tariki ya 06 kugeza tariki ya 13 ari gusura abamisyoneri bo mu majyepfo(Butare).

Ni muri urwo rwego, tariki ya 11/04 yabonanye n'abalayiki bakuru b'i Butare , no ku itariki ya 12 ahura n'abalayiki b'urubyiruko .

Muri Paruwasi ya Kiziguro, yahuye n' abalayikimsscc le 17/Mata 2016.

Bamubwiye uko babayeho, n'uko nawe abaha inyigisho ijyanye n'insanganyamatsiko umuryango wihaye uhimbaza imyaka 125 umaze ushinzwe aho yagiraga iti: *Imyaka 125 dusangira ubuzima n'Ubutumwa.*

Muri iyo nyigisho, umukuru w'umuryango yagaragaje ko yaba abalayiki cyangwa se abiyegeuriye Imana ku buryo bw'umwihariko dufite umuhamagaro umwe muri Kiliziya.Niyo mpamvu umulayiki atakagombye kumva ko ari umukristu ku rwego rwa kabiri. Batisimu niyo itugira abana b'Imana muri Kiliziya.

Mu nyigisho umukuru w'umuryango yatanze, yababwiye ko twese dusoma ivanjiri imwe, ariko bitewe n'ubutumwa bwihariye bw'umuryango , buri muryango ureba muri iroyo jambo ry'Imana ibijyanye n'Ubutumwa bwavo. Niyo mpamvu rero, Umumisiyoneri w'Umutima Mutagatifu wa Yezu na Mariya , iyo asoma ijambo ry'Imana atinda cyane K' URUKUNDO.Yasobanuye ko intego y'Umuryango ariyo kwamamaza urukundo rw'Imana. Nk'uko Fondateur abivuga, urwo rukundo arugereranya nk'umuriro ugurumana ugomba gukongezwa ugakwira ku isi yose.

Yarangije abifuriza gukura mu bukristu mu muryango ndetse no mu mubare, bashishikariza abandi bantú bifusa kwinjira mu muryango wacu.

Ku balayiki msscc bo muri Paruwasi ya Kiziguro, yabashishikarije cyane gusenga, gukomera no kugira ibikorwa by' urukundo. Akomeza avuga ko ingoma y' imana ari ubukungu buhebuje, abalayiki bagomba gukomeraho,ahubwo tukabusangiza abandi cyane cyane abaciye bugufi.

Padiri mukuru wa MSSCC (Superieur général) aganira n' abalayiki msscc b' i Butare



Padiri mukuru wa msscc(superieur general) n' abalayiki msscc b' i Kiziguro.





IV. IBIKORWA BY' URUKUNDO.

1. Gusura umuvandimwe wabuze umufasha we.



Nk'uko ijambo ry'Imana ribitubwira riti : « *umuntu udukunda umuvandimwe we abonesha amaso , ntashobora gukunda Imana atabona* »(1Jn 4,19-21).

Ni muri urwo rwego, itsinda ry'abalayiki b'abamisiyoneri b'umutima Mutagatifu wa Yezu na Mariya rikorera i Butare , ku itariki ya 14 Gashyantare 2016 ryagiye gusura umuvandimwe wo muri iryo tsinda KAYIGANJIRE Consolee wagize ibyago apfusha umufasha we, Hon. Senator NIZURUGERO RUGARYI JEAN.

Gusura umuvandimwe wagize ibyago biri mu nshingano z'umukristu , by'umwihariko nk'abalayiki b'abamisiyoneri bagomba kugaragaza urukundo Imana yadukunze mu buhamya bagenda bagaragaza hagati yabo. Papa Fransisko atubwira ko Gusura Umuvandimwe wapfushije biri mu bikorwa by'impuhwe bifatika byakagombye kuranga umukristu wese.

2. Kora ndebe iruta vuga numve.



Nk'uko tubisabwa, buri mu Kristu wese, igihe cy'igisibo kidufasha kwitegura umunsu mukuru wa Pasika, agomba kurangwa no : Kwigomwa, isengesho n'ibikorwa by'urukundo.

Ni muri urwo rwego, itsinda ry'Abalayiki rya Butare bafatanyije n'urugo rw'irerero rwa Noviciat Butare bakoze igikorwa cy'urukundo kugira ngo bifatanye n'abavandimwe bababaye. Twasuye Ikigo cyakira abantu bafite ibibazo byo mu mutwe(CARAES – Kabutare) , tariki ya 19/03/ 2016. Nitwagiye kubareba mu maso, ahubwo twabashyiriye ibyo twashoboye kwigomwa mu gihe cy'igisibo. Twabashyiriye ibijyanye n'isuku(Amasabune, imyenda n'ibindi) ndetse n'amafaranga yo kubafasha gukemura utubazo tumwe na tumwe bahura natwo. Abari bahagarariye icyo kigo bishimiye icyo gikorwa Abamisiyoneri bakoze, babasaba ko n'ikindi gihe babishatse amarembo akinguye, kandi ko kugira neza ari ibihoraho. Abamisiyoneri bari bitabiriye ubutumwa, nabo batashye bishimye, bishimiye igikorwa bari bamaze gukora.

Dukomeze twamamaze impuhwe z'Imana bitari mu magambo gusa ahubwo no mu bikorwa bifatika.

V. Igenabokorwa by'Abalayiki Misyoneri b' Umutima Mutagatifu wa Yezu na Mariya mu Rwanda mu mwaka wa 2016.

Igikorwa	Igihe	Abazagikora	Ibizakenerwa	Aho bizakorerwa	Icyitonderwa.
1.Amahugurwa: a)Abalayiki MSSCC batarasezerana b)Abalayiki MSSCC bose.	-Buri wa 6 wa mbere w' ukwezi. - Buri cyumweru cya 3 cy' ukwezi. Igihe cyose bibaye ngombwa.	Abamisiyoneri b' inararibonye bazaba babisabwe. -Abamisiyoneri, Abandi basobanukiwe n' insanganyamatsiko iteganyijwe.	Ubwitange , Bibiliya, ibitabo by' umuryango. - Amakayi,amakaramu, ibitabo by' imfashanyigisho.	Kiziguro Butare. Kiziguro, Butare.	I Butare bazahitamo igihe kibabereye. Butare bazahitamo umunsi ubabereye.
2.Gusezerana no kuvugurura amasezerano.	Kuva 6,le 23/07/2016.	Abalayiki MSSCC babyiteguye.	Amafaranga.	Kiziguro	Umubare w'amafaranga uzagenwa na Komisiyo hagendewe ku bizaba bikenewe.
3.Ihuriro ry' Abamisiyoneri MSSCC	Kuva le 22 kugeza le 24 Nyakanga 2016.	Aba layiki MSSCC. Padiri uhagarariye umuryango mu Rwanda. Padiri ushinzwe aba LMSSCC.	Amafaranga	Kiziguro.	Umubare w'amafaranga uzagenwa na Komisiyo.
4.Urugendo nyobokamana	Mu kwezi kwa 11, 2016.	Abalayiki MSSCC	Amafaranga	Remera – Ruhondo cg Kibeho.	Bizongera kwigwaho na Commission ihuriweho na Kiziguro na Butare.

-13-

5.Gushyiraho akanyamaku< NTUMA NYAGASANI>.	Gasohoka rimwe mu gihembe ubwo ni 4 mu mwaka.	Abalayiki MSSCC, Komite y' uwanditsi.	Amafaranga	Kiziguro.	Numero ya mbere y' akanyamakuru izasohoka mu mpera za Mutarara 2016.
6.Igikorwa rusange cy' urukundo cy' abalayiki msscc	Rimwe mu mwaka	Abalayiki MSSCC bose.	Icyo bazabona cyafasha ababaye.	Kiziguro, Butare.	Hazoranya igikorwa cyihutirwa kandi cyijyanye n' ubushobozi bw' Abalayiki MSSCC,

VI. Gahunda y'amahugurwa y' Abalayiki MSSCC, mu mwaka wa 2016.

Insanganyamatsiko	Abo areba	Abazahugura	ibizakenerwa	Aho azabera	Igihe	Icyitonderwa
1.Umulayiki MSSCC,aragwa ni iki? Asabwa iki?	Abalayiki MSSCC	Umupadiri msscc(Epaphrodite)	Amakayi, amakaramu, ingwa,...	Kiziguro. Butare	Icyumwer u cya 3 cya Gashyant are.	Butare bazahitamo igihe amahugurwa azabera.
2. Amateka y'Umuryango wa MSSCC	Abalayiki MSSCC batarasezerana	Abapadiri MSSCC n' Abalayiki MSSCC bahuguwe.	Ingwa, amakayi, amakaramu, ibitabo by' imfashanyigisho.	Kiziguro, Butare.	Uwa 6 wa mbere w' ukwezi.	Butare bazashaka umunsi ubabereye.
3. Amateka ya Kiliziya	Abalayiki MSSC bose.	Padiri Rutinduka.	Ingwa,amakayi, amakaramu, ibitabo by' imfashagisho.	Kiziguro, Butare.	-	Igihe kizaterwa n' uhugura.
4. Inyigisho kuri Yezu Kristu.	Abalayiki batarasezerana	Abapadiri MSSCC	Ingwa,amakayi, amakaramu, ibitabo by' imfanyagigisho	Kiziguro, Butare.	-	Igihe kizaterwa n' abahugura.

-14-

5.Inyigisho kuri Bikira Mariya	Abalayiki MSSCC bataraserana	Abapadiri MSSCC	Ingwa,amakayi,amakaramu,ibitabo by' mfashanyigisho.	Kiziguro Butare.	-	Igihe kizaterwa n' abahugura.
6.Amasakaramentu	Abalayiki MSSCC bose	Abapadiri Sagahutu Jean Damascene wa Nyakayaga	Ingwa, amakayi, ibitabo n'izindi mfashanyigisho.	Kiziguro Butare.	-	Igihe kizatangwa n' abahugura.
7.Inyigisho ku Mpuhwe z' Imana.	Abalayiki MSSCC bose.	Umuryango w' Impuhwe z' Imana.	Ingwa,amakayi, amakaramu,ibitabo ...	Kiziguro, Butare.	Mujisibo	Igihe kizatangwa n' abahugura.
8.Ihuriro n' ubusugire bw' ingo.	Abalayiki MSSCC bose.	Umubikira Soeur Leontine.	Ingwa, amakayi, Amakaramu,....	Kiziguro, Butare.	Mu kwezi kwa Mata 2016	Butare bazashaka uzabahugura.

-15-

VII. Makuru ki muri Fondation Concordia-Ineza?

Gusura abagenerwabikorwa mu miryango yabo, kuganira, kubagira inama, kureba ko gahunda twahanye bagerageje kuzishyira mu bikorwa.

Izo gahunda ni izi :

-Korora neza amatungo bahawe, kandi bakagenda borozanya. Ayo matungo ni ihene, inkoko, inkwawu.

-Gufata neza ibiti byera imbuto ziribwa twari twabahaye ngo batere(imiwembe, ubinyomoro, amapapayi,...) .

-Kugira imboga mu karima ko mu rugo, gafasha umuryango kugira imirire myiza.

-Kugira agatanda barangaho cyane cyane ibikoresho byo mu gikoni, mu rwego rwo kubahiriza isuku.

-Kugira isuku mu rugo,mu nzu, no ku mubiri.

-Gukomeza ubufatanye n' abandi bagize itsinda rimwe.



Kuganirira mu rugo rw' abagenerwabikorwa.

Ni muri urwo rwego bamwe bashoboye kwikorera uturima tw' igikoni, bateramo imboga zibafasha kuboneza imirire.



F.CONCORDIA-INEZA I Butare igenda yegera amatsinda atanduhanye,ikabafasha gukundana,gushyira hamwe,kunoza umurimo,no kwiteza imbere.



Mu byo foundation Concordia -ineza ishinzwe, harimo no kugarurira abababaye,abatishoboye,icyizere cyo kubaho, ko Imana ibakunda, ko kandi buri wese imufiteho umugambi. Ibyo bigatuma buri wese yiakira,agashimishwa n' uko ariho, kandi ari kumwe n' abandi.



Mu rwego rwo kuboneza imiriire kandi, Fondation Concordia-Ineza yubatse inzu izajya yigishirizwamo ubuhinzi bw' ibihumyo. Kubera ko amazi yabaye make, dutegereje ko imvura izagwa, tugatangira uwo mushinga ku buryo bukomeye.



Fondation Concordia-Ineza ifasha abatagira amacumbi, kwiyubakira ayoroheje.

Intego: Mu dufaranga duke, hashobora gukorwa utuntu twinshi.

Uwo mudamu nta nzu yagiraga. Yisahatseho amatafari,ikibanza, Concordia-Ineza ifatanya nawe kuzamura no gusakara ako kazu arimo n' abana 3.



Abana bahabwa amatungo magufi, ababyeyi bakabafasha kuyorora, bityo abana Bakazishakira ibikoresho bakeneye bifashishiye ayo matungo, ari nako abunganira mu mirire myiza.

Ibikoresho umunyeshuri akenera ntabwo bihenze cyane.

Ariyo mpamvu buriya bworozi bugashwe neza, umwana yabyigurira.

Twasabye kandi ko buri mwana uri muri iriya gahunda, yazifunguriza compte, akiteganyiriza ejo hazaza.




Guhugura ubutitsa abagenerwabikorwa, kugirango ni ngombwa kugirango bakomeze Gushira hamwe ibitekerezo, imbaraga, bashaka uko barushaho kugira imibereho myiza



Abana babonye inkwavu n' inkoko byo korora, bafite gahunda yo kuzahera kuri ayo matungo, bagatera imbere bishakira ibyo bakeneye. Ibyo barabyishimiye cyane, bigaragazwa no kubyina.

Abana barangije amashuri rusange, barimenyereza umwuga, wo kuzabafasha kugira icyo bakora n' icyo binjiza mu buzima bwabo.



VIII. Utuntu n' utundi.

Urwanya:

1. Baketse ko yazutse bibatera impanuka.

Abantu bakoraga I Kigali baza kubikirwa ko umuvandimwe wabo ko yitabye Imana .Bahise bashaka uburyo batabara ndetse kubera ko bumvaga bashobora kubura ibyangombwa byo gushyingura umuntu wabo muri icyo cyaro, iby' ingenzi bagenda babyitwaje.

Muri byo harimo n' isanduka yo gushyinguramo umurambo. Bafata imodoka baragiye, ariko byabaye ngombwa ko umwe agenda inyuma kubera ko imyanya y' imbere (cabine) yari yuzuye.

Bageze mu ishyamba rya Nyungwe, hagwa imvura nyinshi cyane. Kubera ko bitashobokaga kubyiganira mu myanya y' imbere,bagira inama uwari inyuma kwigira muri iyo sanduka akaba ariho yugama iyo mvura yari imaze kuba nyinshi cyane

Barakomeza baragenda, bageze imbere gato, batwara abandi bantu bari babasabye kubatwara.Barabashimira ariko babaha na poli ko bagize ibyago byo gupfusha umuntu,abagenzi bahawe rift bo bari bazi ko uwapfuye ari muri iyo sanduku.

Kera kabaye imvura iza guhita, uwari mu isanduku, ashaka kuvamo.Isanduku itangiye kunyeganyega, abari bicaye inyuma u modoka,,batangira gushya ubwoba, noneho urugi rwayo ruvaho, babona umuntu atangiye kwinyagambura avamo, bahita basimbuka imodoka ,bavuga ngo wa muntu wanyu arazutse!!!

Bamwe barakomereka cyane, cyokora amahirwe ntawapfuye. Ariko, mbere yo gutabara, byabaye ngombwa kubanza kujyana izo nkomere kwa muganga.

Kutizera imana bituma tugirira ubwoba n' ibitar i ngombwa.

2. Ikibi kirakongera,tukirinde.

Umugabo n' umugore bahoraga barwana kubera isindwe. Bagakizwa n' abana babo bari bamaze gukura.

Umugabo bimaze kumurenga afata icyemezo cyo kwiyahura.Umugore aribwira ati : Buriya umugabo wanje nantanga mu ijuru azambeshyera ibyaha ntakoze.

Nawe ariyahura ngo azamuvuge ahibereye!

Abana baribwira bati : Noneho bazicana tudahari ngo tubakize, nabo bariyahura bose.

Umuturanyi wahoraga yumva ibyabo, ati : iyi filimi natangiye nkaba ntabonye final, naba mpombye, nawe ariyahura, ngo akomeze ayikirkirane.

Ni ngombwa gukumira ikibi kubera ko iyo cyabaye , gishobora no kwangiza abandi.

3. Guhuza mu ngiro no mu cyerekezo.

.Abantu batatu bahawe akazi ko gusatura amabuye yo kubakisha kiliziya. Umuntu wihibitira abaza uwa mbere ati: urimo gukora iki?

Na we ati : ntubireba se ?!Ndimo gusatura amabuye nta kindi. Abajije uwa kabiri ,we arasubiza ati: ndimo gushaka umugati w'abana. Naho uwa gatatu, abajijwe , asubiza ko arimo kubaka Kiliziya.

Ako gakuru karatwereka ukuntu abantu bahuriye ku gikorwa kimwe , bamwe bashobora kukironkeramo imigisha ,abandi bakayibura bitewe n'imyumvire itandukanye bagifiteho .Twe se, bimeze bite mu itsinda ry'Abalayiki misiyoneri duhuriyeho? Habaye hari ufite indi ntego itari iyo kwitagatifuza no kubifasha abandi yaba arushya n'ubusa.

Ubwanditsi.

IX. Umwanzuro

Imana ifashe abalayiki mssc kwemera gutumwa, kwimenza neza abo aribo, icyo batumwa,abo ibatumaho, nabo ubwabo batiyibagiwe, aho ibatuma, impamvu ibatuma,n' uburyo bunogeye Imana bwo kuyitumikira.

Kwicira urubanza no kurucira abandi si umurimo wacu: Ugukanira niwe umenza urugukwiye.

Mu nzira y' ubukirisitu,umulayiki mssc aiziirkane kugenda yisuzuma,yisubiraho, atera imbere, arangwa, n' impuhwe, kwihangana, gutabara, gutabariza abandi, kutadohoka,, gufatanya n' abandi, gusenga, kubarira, gusaba imbabazi, kutiheba....Umutima mutagatifu wa Yezu na Mariya ubamurikire kandi ubahe kugera ku bikorwa by' urukundo bivuye ku mutima w' impuhwe.

X. Dusenge twiyambaza umutima mutagatifu wa Yezu .

Nyagasani utubabarire, Nyagasani utubabarire.

Kristu utubabarire Kristu utubabarire.

Nyagasani utubabarire Nyagasani utubabarire.

Kristu utwumve Kristu utwiteho.

Mana data Nyirijuru Utubabarire

Mana mwana wakijije abantu utubabarire

Mwana mwuka muziranenge utubarire

<i>Butatu butagatifu uri Imana imwe</i>	<i>utubabarire.</i>	
<i>Mutima wa Yezu Mwene Data Uhoraho</i>	<i>Utubabarire</i>	
<i>Mutima wa yezu wasamiwe mu nda y' isugi Maria</i>		
<i>Ku bw' umwuka muziranenge</i>	<i>Utubabarire.</i>	
<i>Mutima wa yezu usobekeranye rwose</i>		
<i>Na Jambo w' Imana</i>	<i>Utubabarire</i>	
<i>Mutima wa Yezu Imana iramirizwamo</i>		
<i>Uburyo buyikwiye</i>	<i>Utubabarire</i>	
<i>Mutima wa Yezu, ngoro nttagatifu</i>		
<i>Y' Imana</i>	<i>Utubabarire</i>	
<i>Mutima wa Yezu , bushyinguro</i>		
<i>Bw' umusumba byose</i>	<i>Utubabarire.</i>	
<i>Mutima wa Yezu,nzu y' Imana</i>		
<i>N' irembo ry' ijuru</i>	<i>Utubabarire.</i>	
<i>Mutima wa yezu gicaniro</i>		
<i>Cy' urukundo</i>	<i>Utubabarire</i>	
<i>Mutima wa Yezu, ngoro y' ubutabera</i>		
<i>N' urukundo</i>	<i>Utubabarire.</i>	
<i>Mutima wa Yezu wuzuye urukundo</i>		
<i>N' ubugwaneza</i>	<i>Utubabarire.</i>	
<i>Mutima wa Yezu, soko idakama,</i>		
<i>Y' ingeso nziza zose</i>	<i>Utubabarire</i>	
<i>Mutima wa Yezu ukwiye</i>		
<i>Ibisingizo byose</i>	<i>Utubabarire</i>	
<i>Mutima wa Yezu ugenga imitima yose</i>		
<i>Ukayihuriza hamwe</i>	<i>Utubabarire</i>	
<i>Mutima wa Yezu kigega cy' ubuhanga</i>		
<i>N' ubumenyi bwose</i>	<i>Utubabarire</i>	
<i>Mutima wa Yezu utuwemo</i>		
		<i>N' ubusendere bw' Imana</i>
		<i>Utubabarire</i>
		<i>Mutima wa Yezu wizihiyе</i>
		<i>Imana data</i>
		<i>Utubabarire</i>
		<i>Mutima wa yezu ugira ibyiza byose</i>
		<i>Ukabidusangiza</i>
		<i>Utubabarire</i>
		<i>Mutima wa Yezu wifuzwa n' ab'ijuru</i>
		<i>Utubabarire</i>
		<i>Mutima wa Yezu wihangana kandi ukagira</i>
		<i>Impuhwe nyinshi</i>
		<i>Utubabarire</i>
		<i>Mutima wa Yezu ugirira ubuntu</i>
		<i>Abakwambaza bose</i>
		<i>Utubabarire</i>
		<i>Mutima wa Yezu soko y' ubuzima n'</i>
		<i>Ubutagatifuzwe</i>
		<i>Utubabaririre</i>
		<i>Mutima wa Yezu uhongerera</i>
		<i>Ibyaha byacu</i>
		<i>Utubabarire</i>
		<i>Mutuma wa Yezu wahagijwe</i>
		<i>Agashinyaguro</i>
		<i>Utubabarire</i>
		<i>Mutima wa Yezu wavunwe n' inabi</i>
		<i>Yacu</i>
		<i>Utubabarire</i>
		<i>Mutimaa wa Yezu wumviye kugeza</i>
		<i>Ku rupfu</i>
		<i>Utubabarire</i>
		<i>Mutima wa yezu wahuranyijwe</i>
		<i>N' icumu</i>
		<i>Utubabarire</i>
		<i>Mutima wa Yezu uzi guhoza abababara</i>
		<i>Bose</i>
		<i>Utubabarire</i>
		<i>Mutima wa Yezu utubeshaho</i>
		<i>Ukazatzura</i>
		<i>Utubabarire</i>
		<i>Mutima wa Yezu uduha amahoro</i>
		<i>Ukatwunga n' Imana ,n' abavandimwe</i>
		<i>Kandi natwe ubwacu</i>
		<i>Utubabarire</i>

Mutima wa Yezu wapfiriye abanyabyaha *Utubabarire*

Mutima wa Yezu ukiza abakwiringiye *Utubabarire*

Mutima wa Yezu mizero y'abapfa

Bakwiringiye *Utubabarire*

Mutima wa Yezu ushimisha abatagatifu

Bose *Utubabarire*

Ntama w'Imana , wowe ukiza

Ibyaha by'abantu , *Udukize Nyagasan*

Ntama w'Imana , wowe ukiza ibyaha

By'abantu . *Utwiteho Nyagasan*

Ntama w'Imana wowe ukiza ibyaha

By'abantu *Utubabarire*

Yezu ugira umutima utuza kandi

Ukoroshy

R.Umutima wacu uwugire nk'uwawe.

Dusabe.

*Mana ushobora byose, ugahoraho iteka, urebe umutima w' umwana wawe ukunda, wibuke
ko akubaha, akaguhongerera ku bw' abanyabyaha, maze utuze,*

*Ukize abagutakira, ugirira umwana wawe Yezu Kristu, muhorana iteka, mugategekana,
n' umwuka muziranenge.*

Amen.